



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXIV. Gregorii Papae I. Ad Evmdem. Vt renuntiet si fortasse de
sacerdotibus quidquam indignum audierit, & de Valerio monacho.

urn:nbn:de:hbz:466:1-15221

Vt renuntiet si fortasse de sacerdotibus quidquam indignum audierit, & de Valerio monacho.

Gregorius Castorio diacono.

QVÆDAM ad nos de Pifaurenſi epiſcopo peruenerunt, quæ indiſcuſſa nullo modo ſunt relinquenda. Propterea experientia tua præcipimus, vt de vita & actibus ipſius ſubtili indagatiōe ſtudeat perſcrutari. Et ſi quid fortasse repperit quod ſacerdotii, quod abſit, integritatem valeat maculare, ad nos eum cum ſcriptis tuis de his quæ in veritate cognoueris, omnimodo ſub competenti cautela tranſmitte: vt informati Deo reuelante ſubtilius veritatem, quid fieri debeat, pertractemus. Non ſolum autem de eo, ſed & de aliorum quoque ſacerdotum te vita conuenit eſſe ſolicitum. Et ſi de quolibet ſiniſtrum quidpiam ſentire potueris, nobis renuntiare feſtina, vt actuum prauitas ſalubriter cum Dei ſolatio debeat emendari. Peruenit quoque ad nos Adeodatum quemdam ciuem Piſaurenſem filio atque vernaculo ſuo de quibuſdam heredibus inſtitutis Thomam deputaſſe tutorem; hanc conditionem adiiciens, vt ſi forte heredes ipſius in pupillari ætate de hac vita tranſirent, omnis eius ſubſtantia per manus antediſti tutoris debuiffet pauperibus erogari. Sed ab iis qui heredes fuerunt inſtituti, ne defuncti poſſit voluntas impleri, ſupraſcriptus tutor dicitur impediri. Propterea ſi, ſicut edocti ſumus, ita eſſe in veritate compereris, cura atque ſolicitudinis tuæ ſit, antediſtum tutorem rationabiliter tueri atque defendere, vt quæque ſibi iniuncta ſunt valeat effectui mancipare. Sed quoniam dicitur eundem tutorem velle aliquid in diaconia quæ ibidem conſtituta eſt emere, ſummopere ei ſolatiari feſtina, vt ea quæ mercedis intuitu piis cauſis relicta ſunt, te concurrente ſine cuiuſquam poſſint impedimento compleri. Valerianum vero monachum, quem emendatum in monaſterio beati Ioannis in claſſe poſito tradidiſti, in eodem eum monaſterio ſine dubio volumus permanere. Præterea ne quam

Ioan. diac.
lib. 2. c. 55.

necessitatem in expensis tua experientia patiat, de redditibus sanctæ Romanæ ecclesiæ, qui illic te prouidente aggregati sunt, omnes expensas tuas te facere volumus. Et si quid superfuerit, nobis cum veneris defer.

EPISTOLA XXV.

GREGORII PAPÆ I.

AD VINCOMALVM DEFENSOREM.

Dat sibi potestatem vt munus defensoris accipiat.

Gregorius Vincomalo defensori.

ECCLESIASTICÆ vtilitatis intuitu id nostro sedit arbitrio, vt si nulli conditioni vel corpori teneris obnoxius, nec fuisti clericus alterius ciuitatis, aut in nullo tibi Canonum obuiant statuta, officium ecclesiæ defensorum accipias; vt quidquid pro pauperum commodis tibi a nobis iniunctum fuerit, incorrupte & viuaciter exequaris; vsurus hoc priuilegio, quod in te habita deliberatione contulimus, vt omnibus quæ tibi a nobis fuerint iniuncta complendis operam tuam fidelis exhibeas, redditurus de actibus tuis sub Dei nostri iudici orationem. Hanc autem epistolam Paterio notario ecclesiæ nostræ subscribendam dictauimus.

Mense Martio, indictione decimatertia.

EPISTOLA XXVI.

GREGORII PAPÆ I.

AD GAUDENTIUM EPISCOPVM NOLANVM.

Vt Capuanis clericis Neapoli degentibus quartam impendat.

Gregorius Gaudentio episcopo Nolano.

QVI ecclesiasticis famulantur obsequiis, ecclesiastica, vt possibilitas exigit, debent adipisci subsidia. Proinde fraternitatem tuam præsentibus hortamur affatibus, vt clericis Capuanæ ecclesiæ, qui in ciuitate Neapolitana consistunt, quartam in presbyterium eorum de hoc quod ante ecclesiæ singulis annis accesserit, iuxta antiquam consuetudinem distribuere secundum personarum studeat qualitatem; quatenus aliquod stipendiorum habentes so-